

1566. SCORZONERA *crispa*.

Sc. caule folioso paucifloro, foliis lanceolatis undulatis nervosis glabris.

Habitat in Tauriae collibus apricis ficcis. Floret Aprili, Majo. 2

*Planta* plerumque dodrante minor saepe digitalis glauco-viridis glabra. *Folia radicalia* formâ praecedentis, sed valde undulata et crispa, margine scabra: *caulina* parua linearia. *Flos* terminalis formâ praecedentis; accedente ut plurimum uno alteroue laterali ex summorum foliorum axillis. *Lanugo* vagâ quasi detrita interdum in juniore ad foliorum axillas et ad basin calycis.

1567. SCORZONERA *hispanica*.

Sc. caule ramoso folioso multifloro, foliis lanceolatis acuminatis subdentatis: superioribus integerrimis amplexicaulibus, calyce glabriusculo.

Sc. caule ramoso, foliis amplexicaulibus lanceolatis integris basi subferrulatis. *Linn. ed. Willd. 3. p. 1499. Gmel. fib. 2. p. 6. n. 4. Pall. ind. taur.*

Sc. major hispanica prima. *Clus. hist. 2. p. 137.*

Occurrit in graminosis planitierum Caucasum a septentrione attingentium, Tanais et Anticetae ofiis interjacentium; nec non inter Borysthenem Palumque Moeotiden. Floret aestate. 2

*Foliorum* inferiorum dentes sparsi atque minuti in spontaneâ saepe desiderantur. *Calycum* juniorum tantum basis cum pedunculis subpubescens.

1568. SCORZONERA *taurica*.

Sc. caule folioso multifloro calyceque pubescentibus, foliis inferioribus lanceolatis acuminatis integris pubescentibus: superioribus lineari-fabulatis.

Habitat in Tauriae collibus ficcis circa Karassubasar. Floret Majo, Junio. 2